

Na osnovu člana 90. Zakona o javnim nabavkama („Službeni glasnik BiH“, broj 39/14), člana 7. tačka b) Pravilnika o postupku direktnog sporazuma („Službeni glasnik BiH» br. 90/14) i dostavljene Ponude broj 1/22 od 03.02.2022.godine zaključuje se

UGOVOR O PRUŽANJU ADVOKATSKIH USLUGA

između:

1. **JU "Kantonalni centar za socijalni rad"**, ulica Gatačka broj 80., Sarajevo, IDB: **4200115210002**, koju zastupa direktor Mahir Delić, dipl. pravnik (u daljem tekstu: Klijent);

i

2. **Advokat Edina Osmić-Taraniš**, ulica Branilaca Sarajeva, broj 14; 71000 Sarajevo, IDB: 4302490970003 (u daljem tekstu: Advokat)

Član 1.

Predmet ovog Ugovora je pružanje advokatskih usluga za potrebe Klijenta, s ciljem osiguranja kvalitetne i stručne pravne podrške Klijentu, prema tehničkoj specifikaciji advokatskih usluga (Aneks 3) i prema ponudi broj 1/22 od 03.02.2022. godine, koja čini sastavni dio ovog ugovora.

Ovaj Ugovor zaključuje se nakon provedenog direktnog sporazuma i dostavljene Ponude od 03.03.2023. godine, a na osnovu Odluke o pokretanju postupka javne nabavke advokatskih usluga broj: 31-01/05-404-191/22 od **02.02.2022. godine**.

Ponuda Advokata broj 1/22 od 03.02.2022.godine je sastavni dio ovog Ugovora.

Član 2.

Poslovi iz člana 1. Ovog ugovora obuhvataju sljedeće usluge:

- 1) Pravno zastupanje interesa Klijenta pred nadležnim sudovima u predmetima po tužbama za naknadu po osnovu vršenja starateljstva i potraživanja naknada zaposlenika za prekovremeni, noćni rad i drugim sporovima iz radnih odnosa-topli obrok, regres, razlika plate, jubilarnih nagrada kada su ova potraživanja sastavni dio tužbenog zahtjeva sa potraživanjima naknade za starateljstva, prekovremeni i noćni rad (odgovori na tužbe, sasatavljanje žalbi, odgovora na žalbe, zastupanje na pripremnim ročištima, zastupanje na ročištima za glavnu raspravu, uključujući sve pripremne radnje, pravne lijekove i drugo).
- 2) Pravno zastupanje interesa Klijenta pred nadležnim sudovima u svim predmetima čija vrijednost spora iznosi preko 20.000,00 KM (odgovori na tužbe, sasatavljanje žalbi, odgovora na žalbe, zastupanje na pripremnim ročištima, zastupanje na ročištima za glavnu raspravu, uključujući sve pripremne radnje, pravne lijekove i drugo). Također pravno zastupanje interesa Klijenta pred nadležnim sudovima i u predmetima čija je vrijednost spora manja od 20.000,00 KM ukoliko ugovorni organ procjeni da je potrebno zastupanje od strane advokata u konkretnom predmetu.
- 3) Pokretanje postupaka izvršenja pred nadležnim sudovima, uključujući i potrebne pripremne radnje.
- 4) Poduzimanje svih potrebnih radnji radi regulisanja prava vlasništva i uknjiženja imovine JU "Kantonalni centar za socijalni rad"

- 5) Pružanje pravne podrške pri realizaciji ostalih poslova iz djelatnosti ugovornog organa, u smislu praćenja njegovog zakonitog postupanja (priprema i pomoć u postizanju vansudskih nagodbi, usmena pravna mišljenja i pravni savjeti, pismeni pravni savjeti i pismena pravna mišljenja, sastavljanje isprava, sastavljanje opomena, sastavljanje krivičnih prijava i dr.), u skladu sa njegovim zahtjevima.

Član 3.

Klijent se obavezuje da će za svaki predmet koji se advokatu ustupa na zastupanje dostaviti posebnu punomoć i potrebnu dokumentaciju koju posjeduje a koja se odnosi na predmet spora.

Advokat će komunikaciju u vezi sa predmetom spora vršiti sa stručnom Službom Klijenta (Služba za pravne poslove koordinaciju i informisanje) i po potrebi sa Službom za računovodstvene i opće poslove.

Advokat se obavezuje da će svakog mjeseca najkasnije do 05-tog u mjesecu dostavljati putem mail-a izvještaj (tabelarno) o preduzetim aktivnostima za prethodni mjesec.

Član 4.

Advokat se obavezuje sve poslove iz člana 2. Ovog ugovora obavljati savjesno i odgovorno, poštujući pravila svoje profesije i respektujući postojeći pravni poredak i u okviru advokatskog zadatka i etike zalagati se maksimalno za interese Klijenta.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu.

Član 5.

Klijent se obavezuje da po rješenju ili nalogu suda uz zahtjev advokata izvrši uplatu sudskih taksi ili vještačenja u rokovima koje sud odredi za svaki predmet u sudskom postupku, a uz prethodnu dostavu rješenja ili naloga suda koji će advokat dostaviti Klijentu odmah po prijemu od strane suda.

Član 6.

Ukoliko u toku trajanja ugovora nastupe određene okolnosti u kojima Advokat u konkretnom predmetu ima sukob interesa u pravnom zastupanju Klijenta, Advokat je dužan za svoj račun obezbjediti drugog advokata ili na neki drugi način osigurati da se zastupaju pravni interesi Klijenta u tom predmetu.

Član 7.

Ovaj Ugovor zaključuje se na period od **04.02.2022.godine do 03.02.2023.godine** i stupa na snagu danom obostranog potpisivanja.

Član 8.

Ukupna cijena za izvršenje predmetnih usluga za period naveden u članu 7. ovog Ugovora iznosi:

- **Ukupna cijena: 6.000,00 KM bez PDV-a**

Isplata ugovorene cijene za ugovoreni period će se vršiti u jednakim mjesečnim iznosima, u iznosu od **500,00 KM bez PDV-a**.

Član 9.

Advokatu pripadaju i svi troškovi koje ostvari po uspjehu spora, a koje je dužna isplatiti suprotna strana.

Član 10.

Klijent se obavezuje da će cijenu iz člana 8. Ugovora, isplatiti Advokatu u roku od 30. dana od dana prijema fakture koju ispostavi Advokat.

Član 11.

Ugovorne strane mogu otkazati ovaj ugovor u svako doba, na način da jedna ugovorna strana drugoj uputi pisani otkaz. Otkazni rok iznosi 30 (trideset) dana od datuma slanja pisanog otkaza.

Član 12.

Ugovorne strane su saglasne da se ovaj ugovor može raskinuti prije roka iz prethodnog člana, ako jedna od ugovornih strana ne izvršava obaveze iz ugovora.

Član 13.

Advokat se obavezuje da će po isteku Ugovora, izvršiti povrat predmeta koji mu budu ustupljeni za izvršenje predmetnih usluga.

Član 14.

Ugovorne strane su saglasne da će eventualno nastale sporove iz osnova ovog Ugovora rješavati mirnim putem, a ukoliko to ne bude moguće, za rješavanje istih nadležan je sud u Sarajevu.

Član 15.

Za sve ostale odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuće odredbe Zakona o obligacionim odnosima.

Član 16.

Ovaj Ugovor je sačinjen u 4 (četiri) istovjetna primjerka, od kojih od kojih svaka ugovorna strana zadržava po 2 (dva) primjerka.

ADVOKAT
ADVOKAT
Edina Osmić-Taraniš
SARAJEVO, Branilaca Sarajeva br.14
Edina Osmić-Taraniš



KLIJENT
DIREKTOR

Mahir Delić, dipl. pravnik

Broj: 31-01/05-404-191.2/22
Datum: 04.02.2022. godine